

КОМСОМОЛОНЬ ВАЙГЯЛЬ

ЛИСЕНДИ V-це КИЗОСЬ

Мокшэрзянь ВЛКСМ-нь
обкомть и Саранскяень
горкомть газетасна

Адрессь: г. Саранск, ул. Ленина 11,
телефон № 1-72.

МАЙТЬ
23-ЦЕ ШИСТОНЗА
1937 КИЗОНЯ
56 (430)

Лисенди ковти 12-ксть.

ЮКСТАФ ТЕВ

1936 кизонь 29 апрельста ВЛКСМ-нь ЦК-сь лифтсь путфкс од научнай работникнень Сембе-союзонь соревнованиснон йотаф-томанц колга. Лама од научнай работник оцю мяль марта васьф-тезь ЦК-ть тя важнай путфксонц, кармасть участвовандама соревнованьса. Тя соревнованьсь нинге сядонга пяк кепедезе минь од научнай работниконьконь творческый мяльснон и вийснон минь родинанькенди пяк эрвикс открытиань и изобретениянь тиёмаса, научнай работань сьормадомаса, конат нинге сядонга инголи таргасазь наукать, максхть лезкс хозяйстванькенди касоманцты, родинанькенди ареляманц вийяфтоманцты, стахановский движениянь вишкептеманцты и минь школаванок тонафнемань качества кепедеманцты.

Тяста минь ниясась, кодама оцю хозяйственно-политическый и общественной значенияц тя соревнованьсь, конанц эса участвовандайхть 2 тьожаньда лама од научнай работник. А сяс и тя соревнованьсь вятмасонза комсомолонь организацияцты пякоцфт задачанза. ЦК-ть путфксонза видеста азф: „Эрь научно-исследовательский институтса, университетса, лабораторияса, ВУЗ-са и ст. тов соревнованьсь лангса-руководствась путневи комсомолонь комитеттнень лангс и ня учреждениятнень научнай руководителсьнон лангс“.

Кода жа минь Мокшэрзянь республиканский организацияньке вать сазь од научнай работникнень соревнованьснон? Коданга аф. Комсомолонь комитеттне аф аныцек мезевок аф лездыхть соревнованьсь йотафтоманцты, но ламосна мезевок тя тевть колга афи содайхть.

А мезе тиенди тя тевса ВЛКСМ-нь обкомсь? Вдь ЦК-сь соревнованьсь общай вятмать пүтозе обкомтнень, крайкомтнень и н а ц. республикань ЦК-нь лангс? Но ЦК-ть путфксонц, маряк, Мокшэрзянь ВЛКСМ-нь обкомти ащи аф обязательнайкс? Иляса мезьса ина можна азондомс Обкомть абсолютнай бездействианц тяфтама оцю мероприятиять йотафтомаса? Али пади обкомсь мярьги, што минь работатама, минь... лихтемя путфкс и ст. т.? Виде, обкомсь путфкс лихтсь 1936 кизонь июнь ковть 10 шистонза и... соньцке тяда меле юкстазе эсь тя путфксонц.

Йотась вов ни киза, курок (тя кизонь 1-це августста) соревнованьсь шумордави и центральной комиссиясь кармай ванондомост соревнованьсь результаттнень. А мезе максхть минь Мокшэрзянь од ученайньке, кда синь йотксост ашель соревновань, ашель кодамовок работа? Вдь сембе киза кувалмоста од ученайхне вестеньге ашельхть пуропффт, кивок изезе варчсе мезе синь тийхть, кодама синь работасна, кодама теест эрви максомс лезкс и ст. тов. Республиканский комитетсь соньцке вестенге изь пуромкшне, кодамовок кизефкст изь арьсе. А кит тя бездельничендай комитетса? ВЛКСМ-нь обкомть секретаренза

Иванов и Радионова ялгатне, Наркомпроссь Вожаев ялгась, СНК-ста, НИИМК-ста, КСХШ-ста, Пединститутста представительхть. Илякс азомс, комитетса ащихть сембе сят, кие сембеда пяк и не-посредственно должент улемс ба заинтересованнайхть од ученайхнень работаснон марта, синь творческый инициативаснон касфтоманц марта, соревнованьсь цебярьста йотафтоманц марта. А тевса лиссь мекелангт—самай синь бездействиаснон сюнеда и од ученайхнень соревнованьсь республикансонок сязьф. Сявомс вов тя комитетсь председателенц Смирнов ялгать (пединститут). Эрви виде-ста азомс, што Смирновть председателксь путомац ульсь оцю ошибкакс. Тя ломантть аш кодамовок мялец лездомс од ученайхненьди. Дажа мзярда комитетонь кой-кона членттне энальцшнесть Смирновти пуромтомс комитетсь и ладамс соревнованьсь тевть, то сон аныцек яфиесь кядевц марта—„тейнь аш мзярда“.

И аф стак аныцек 21 ломань од ученайхт сязьсть лангзост обязательства участвовандама тя соревнованьса, да и вятненьге йоткста аныцек 3—4 ломань работайхть, а илядыксне аныцек сязьсть обязательства, но мезевок ниньге исть тиенде. А вдь кодак лиссь мелямба ЦК-ть путфксонц, то аныцек Саранскяса 31 ломань сявоньдсть лангзост обязательства. Мзяра цебярь тев могли ба тиёмсия ученайхне! Ащемок кодамовок руководство комитетсь ширьде од ученайхнень юмси интересна соревновандамати, а кой-кона научнай учреждениянь директорхне маряк сяда пяк „экономнай хозяйственник“, чем руководителхт од научнай виень касфтомаса. Кона-кона ялгатненьди пединститутста, НИИМК-ста, конат 1-це августти работаснон аноласазь, эрви обязательна молемс научнай командировкас, но институтонь директорхне Антонов и Лазарев ялгатне синь аф кучсесазь сяс, мес „аш ярмакт“. Тя аф виде. Эрви азомс, што СНК-ське изь нолда фкявок трюшнеч, штоба стимулироваандама од ученайхнень соревнованьсь кига работаснон.


Илядсь ниньге кафта кофт. Можна ли тя времена петемс тевсь? Конешна можна.

Тянка эрви немедленно одуктиемс республиканский комитетсь составоц и од комитетсь кошардомс лацкас работама.

Тянка энальттыма ВКП(б)-нь обкомти, штоба сон кошардолезень научнай учреждениянь кой-кона руководителхнень, штоба синь действительна большевикокс сяво лезь эсь руководствозост од ученайхнень работаснон, синь творческый касомаснон.

Тянка эрви, штоба синь, од ученайхне, апак лотксек оцю вийса кярьмодельхть эсь работаснонды, а ВЛКСМ-нь организациятненьди эрви цебярьняста лездомс од ученайхнень йоткса культурно-политическый работать вишкептеманцты.

Тя соревнованьсь ули кода и эрви йотафтомс цебярьста.



Советский Союзонь ошнень эзга
Сталинградса „Павших борцов“ площадьса скверсь.
фтала, кержи ширеса няеви „Интурист“ гостиницась.

Испанский од правительствать составоц

Париж, майть 18-це шистонза. Гавас агенствась Вадемсияста пачфни, што исяк Негринсь пуроптсь испанский од правительства тяфтама составса:

премьерсь, а станяжа финансонь и народнай хозяйствань министрсь — Негрин (социалист, йотай пингень кабинетса финансонь министр);

иностранный тевень министрсь — Хираль („республиканский леваень“ член, йотай пингень кабинетса портфельтема министр); оборонань министрсь — Прието (социалист, йотай пингень кабинетса морской флотонь и авиациянь министр);

юстициянь министрсь — Ирухо (баскский националист, йотай пингень кабинетса портфельтема министр);

внутренний тевень министрсь — Сугасагоитиа (социалист); просвещениянь и здравоохранениянь министрсь — Эрнандес (коммунист, йотай пингень кабинетса просвещениянь министр);

земледелиянь министрсь — Урибе (коммунист, йотай пингень кабинетса зайнесесь тяка жа постть);

общественнай работань и путей сообщениянь министрсь Риос („республиканский союзонь“ член, йотай пингень кабинетса путей сообщениянь министр);

социальной обеспечениянь министрсь Айгуаде („каталонский леваень“ член, йотай пингень кабинетса портфельтема министр);

Тяста лисенди, што од правительствась ащи вейкса министрста, йотай пингень кабинетть составс сувси 18-ть вастс. Тяниень кабинетонь кафкса министрхне ульсть Кабальероть йотай пингень правительствасонза.

Од кабинетти сувсихть колма социалист, кафта коммунист, „республиканский леваень“ фкя представитель, фкя „республиканский союзонь“, фкя „каталонский леваень“ и фкя баскский националистнень эзда. Правительствати сувасть антифашистский партиянь представительхт, конат пуромфт народнай фронту. Профсоюзонь организациянь представительхне од кабинетонь составти аф сувсихть.

Пропагандань министерствась йотни иностраннай тевень министерствань департаментонь положениас.

— 000 —

МАССР-нь КОНСТИТУЦИЯТЬ ПРОЕКТОНЦ ОБСУЖДЕНИЯЦ КОЛХОЗНАЙ ПАКСЯНЬ СТАНСА

Од выселка велеса пяк оцю мяльса обсуждандакшневи МАССР-нь Конституциять проектоц. Васенда обсуждандакшневи Конституциять проектоц комсомолечнень йоткса, учительхнень йоткса, вельсоветонь пленумса и колхознай правленияса.

Тяни велень активсь азондкшневи Конституциять проектоц колхозникненьди. Комсомолечне и учите-

тельхне якайхть паксянь стантненьди, коса обсуждандакшневазь Конституциять проектоц колхозникнень марта.

Пяк оцю инициативаса вяти масово-разъяснительнай работа вельсоветть председателец Калашников ялгась.

И. Паршин.

Зубунь р-и.

ШКОЛАВА МОЛИХТЬ ПРОВЕРОЧНОЙ ИСПЫТАНИЯТНЕ



Мокшэрзянь пединститутонь 4-це курсонь студентсь НАЗАРОВ ЯЛГАСЬ.

Кода мон аноклан зачеттненьди

Мон тонафни саранскяень 31-це № железнодорожной школы 8-це „Б“ класса. Мон путонь ингелен задача, штоба испытаниятнень максомс цебарь и отличной отметкаса.

Васендакига мон ушедонь аноклама зачеттненьди литературат и рузонь кяльть коряс. Мон ня предметнень пяк кельгсайне, но и тяка йоткова синь пяк интереснайхть и стакат. Но мон аф пелян сталмода и литературат йоран максомдонза отличнайста, а рузонь кяльть аф цебарь отметкада йолмаста.

Немецень кяльть мон максса отличнайста. Тяфта жа отличнайста мон макссайне испытаниятнень алгебраса, геометрияса и лия предметнень коряска.

Н. Веретенникова.

ОТМЕТКАСНА АНЬЦЕК ОТЛИЧНАЙХТЬ

Саранск. 6-це номер школы 6-це классонь ученикатнень Матейкина Нина и Сергеева Алектинать сембе дисциплинатнень эса отметкасна аныцек отличнайхть.

Монь кизефксозти, кода сатось отличной отметкатнень, Матейкина Нина и Сергеева Алектинасть тяфта отвечаст: кудса учительнень указанийсн коряс парста аноклан занятиятненьди, а сяда меле молян кинос али театрав. Тяда башка лувондан художественной литература и ст. тов. „Зубрешка“ марта пшкядсь Сергеева Алектинасть, — отличнайста тонафнема аф кармат. Эряви аф зубрить, а парамьяльса кулцондомс класса учитель-

хнень рассказна, а кудса сяда крякяста ваномс азфлитературась, конань коряс эряви анокламс занятиятненьди.

Матейкина Нина и Сергеева Алектинасть нинге азондозь, што теест оцю лезкс макссть соревнованиянь методтне.

Синь школань дирекцияти макссть вал, што зачеттнень сембе дисциплинатнень коряс макссазь аныцек отличнайста и 7-це классти йотайхть отличной отметкаса.

Испытаниять рузонь кяльть и математикать эса писменно максозь отличнайста.

Ани.

АНОКЛАТАМА ИСПЫТАНИЯТНЕНЬДИ

Мокшэрзянь рабфаконь студенттне оцю мяльса аноклайхть испытаниятненьди. Испытаниятненьди анокламати и синь йотафтомасн колга эрь группава йотаффт групповой пуромкст и йотаффт комсомольский пуромкс.

Тяниень пингть калдыав отметка марта студенттненьди лездыхть цебарьста тонафни студентне сянх инкса, штоба машфтомс кал-

дыав отметкатнень. Студенттненьди преподавательне тиеньдихть консультации.

Рабфакса цебарьста и пяк цебарьста тонафни студенттне: Крюков, Храмов, Абайкин, Дригалов, Вожаева, Кочетков, Дергачев и лия студентне оцю лезкс макссхть тонафнема фталу лядкшни студентненьди.

И. Дунаев.

Ваймосихть весяласта

Сире-Велень афполнай средний школы пяк весяласта и увлекательнайста йотафневихть перемениатне. Школаса улихть шахматт, шашкат, музыкальной инструментт, футбол и стак тов.

Тяса школась ащи пяк мазивастса. Школать види ширесонза

вирья, малаванза шуди лияня. Школать кержи ширесонза школьной садсь.

Учительсь Потапов ялгась сидеста сявоньдсыне ученикнень экскурсия.

Торбеевань р-н.

Пронькин.

Ударникне казъфт

Шубриков ялгать лемса колхозса алашатнень мельга цебарьста якаманкса конюхне: Парамонов Г., Капков П., ялгатне казъфт.

Ня ялгатне сявиь обязательстванинге сядонга цебарьста ладя-

мс алашатнень мельга якамать и кырдемс синь цебарь упитаностьса.

Самодуровка веле, Ковылкинань р-н.

Кудашов.

Морафнесайнек классикнень

Ванясь морафтсь 100-да лама книга

Макаров Ванясь тонафни Саранскяень 31-це № железнодорожной школы 7-це класса. Ванясь тя тонафнема кизоня морафтсь 100-да лама книжкат. Книгань лувомась лезды Ваняти цебарьста тонафнема. Ванясь тонафни отличной и цебарь отметкаса.

А. К.

Морафнян художественной литература

Мон нинге аф пяк кунара ушедонь морафнема художественной литература. Морафтыне и пяктусь мялезон Короленкоть „Федор Бесприютный“ произведения.

Тяни мон пяк оцю мяльса морафнеса Новиков-Прибоень „Цусима“ произведения, кона пяк тусь монь мялезон. Тяда меле мон арьсян морафтомс „Поднятая целина“.

4-це классонь учениксь
Аношкин.

Трактористтне ударникне

Ковылкинань МТС-нь 6-це № бригадань трактористсь Кучин Александрсь СТЗ-нь тракторса сменанц пингста сокс 8,5 гектархт. Пяшкедькшнемом вельф сокама норматнень Кучин ялгась эрь шиня вафты палы материалда 12 килограммат.

Тяка жа бригадань трактористтне Мажаров Семась и Зотов Петясь сокама норматнень пяшкедькшнесазь 140—190 процентс.

Тремаскин.
Афтайкин.

ПРОПАГАНДИСТОНЬ УЖЕНЯ

МЕЗЕ СТАМСЬ „ВАНДЕЙСКИЙ ВОССТАНИЯТНЕ“

Ф. Греков ялгась (Сызраньста) кучсь „Комсомольский правда“ газетати сьорма, конань эса кизефни: „Мезе стамсь „вандейский восстаниятне“, конатнень колга кортась Сталин ялгась эсь докладсонза ВКП(б)-нь ЦК-ть пленумса“.

Сталин ялгась кортась, што буржуазнай государстватне, штоба сяземс и лафчептомс минь странанькень мощенц, апак лотксек кучсхть тейнек вредительхт, шпионтт, убийцат, диверсантт. Сталин ялгась азозе, што буржуазнай государстватне нлья эсь йотковастка кунаракига эряфс йотафнихть тяфтама жа коварнай действият. Кепедьксонди Сталин ялгась сязь 1-це Наполеонтт пингензон эзда Европань государстватнень взаимоотношениянь историйсн.

Францияса эста пшкисель шпионда, ливерсантта, конатнень кучсезень Россиясь, немецне, Австриясь, Англиясь. Омбоце ширьде, Австрия,

Англия, немецкий государстватненьди и Россияв Наполеонтт министрза Талейран и Фущесь тяфтажа кучсесть бесчисленнай лувкс шпионтт и диверсантт.

Особо коварнай, подрывной тев вятьсь Англиясь, конац нинга 1793 кизонь французсий буржуазнай революциять пингензон эзда ащесь реакционной интригань штабокс Франциять каршес, сонь потма ширьден эряфонц каршес. Францияса королевский феодальной властть срафтомац, сонь внешняя политика, республикать территориальной приобретенияза. Сембень тянь лангс Англиясь не мог ваномс спокойнайста.

Штоба сядонга касфтомс эсь виенц и лафчептомс французский республикать виенц, Англиясь тюрсь Франциять каршес сембеда пяк „чужой кядьса“, французский реакциять поддержканц вельде, заговор, диверсия вельде и ст. тов. Англиять агентонза использован-

дазь, лездсть и кепсесть сембода пяк Франциять северо-западной провинциязон (Бретаньць, Анжу, Пуату, Нормандия) эса аф кржа реакционной крестьянский восстаният, конат тиеньдфтельхть революционной правительствать—Национальный Конвенть каршес, а мекпями и Наполеонтт каршес. Восстаниятненьди главнай очагокс ульсь Пуату провинциять Вандея департаментоз, конань лемса и лемедфт ня контрреволюционной выступлениятне.

Васеньце вандейский войнась ушедсь 1793 кизоня. Тя кизонь мартть 10-це шистонза Вандеяса сядода лама велева фки пингста кепедьса крестьянонь контрреволюционной восстания, конань кепедьз поппе и Конвентть эзда прянкяшенди аристократтне, роялисттне (корольть властени инкса ашихне). Восставшайхне кярсезь Машку-леса активнай республиканецнень и Конвентть ставленникензон, тапазь правительствать аф оцю вооруженнай отрядонзон, тапазь тяда меле Шоле районца Конвентть 28 тьожанень армиянц и 1793 кизонь киза кучкати фатязь сембе Вандея.

Кодамоль восстаниять характероц—няеви хоть б сян эзда, што вандейский бандатне лемиезь эсь пряснон „королевско-католический армиякс“, конац выступил, сонь валонзонь коряс, сянкса, „штоба кырдемс аляснон религияснон и мрдафтомс законнай государствати, XVIII-це Людовикти, сонь трононц и коронанц блескоци и прочностенц“ (1793 кизонь майть 11-це шистонза вандейский воззванияста).

Тяфтама массовой реакционной движениясь кепедьсь тяса сяс, што глухой, вирьса вельтаф Вандеясь и Бретаньць ульсь экономически и культурно пяк фталу илядф провинциякс эстонь Францияса. Тяса ашельхть оцю ошт, промышленной центрат. Крестьянствась Вандеяса ульсь сяда зажиточнайкс лия васттнень коряс, и ульсь лама модац. Аграрной волнениятне токазы Вандеять аф ламода. Главвай вийсь тяса ульсь аф феодальс, а мелкай собственниксь, кулаксь, арендаторсь.

Ня условиятне тиезь Вандеять центракс, контрреволюцияти на-

ПИОНЕРОНЬ ЛАГЕРЬХНЕНЬДИ АНОКЛАМАСЬ СЯЗЕНЬДСАЗЬ ВКП(б)-нй ОБКОМТЬ РЕШЕНИЯНЦ ПЯШКОДЕМАНЦ

ВКП(б)-нй обкомсь эсь пингстон-за лифць эрявикс решение пис-нерлагерьхненди анокламать и синь успешнайста йотафтомаснон колга. Тя решениять эса обязандакшне-вихть районнай организациянь ру-ководительхне сяньди, штобасинь лично работальхть тя мероп-риятияць цебарьста йотафтоманц эса. Кода калдывста пашкед-неви тя решениясь кой кона орга-низациятень марта—ульсь ни сьор-мадф газетанькень ингелдены но-меровзон эса. Но тяда мелевок республиканский организациятне кода Наркомпроссь, облпрофсо-ветсь мезевок аф тиендихть сянь инкса, штоба ушедомс пионерла-герьхненди аноклама работать, што-ба пашкедемс ВКП(б)-нй обкомть решениянц пионерлагерьхненй йо-тафтомаснон колга.

Облпрофсоветонь гос. учрежде-ниянь союзть председателец Об-ликов ялгась, сон жа парторг, йофси мезевок изь тиенде сянь инкса, штоба пашкедемс ВКП(б)-нй

обкомть решениянц азф мероприя-тиянь колга. Комсомолонь горкомть пионер отделонь заведующаец Ва-син ялгась кеменьшкаксть якась Обликовти сянь инкса, штоба обл-профсоветсь максольт горкомти за-явка—мэра синь могут пионерла-герьхненди кучемс идьта. Тяфта-ма заявка тячис исть куч. Пионер-лагерьхненди нолдаф 4 тьожаньт цалк. ярмакнень Обликовсь тячис кирьнесыне аф нолясыня назначе-нияс коря, а тяфтама ярмаконь кирьнемась кирьнесы лагерьхнен-ди продуктань рамсемать. Обли-ковсь сонць сязеньдсы ВКП(б)-нй обкомть решениянц пашкедеманц. Обликовть тяфтама поведения аф васеньсесь. Сон йотай кизотевок сязендесе идень оздоровительнай кампаниять йотафтоманц. Эряви кизефтемс, мес Обликовсь систе-матически сязеньдсы тяшкава оцю и важнай мероприятия, кода идь-тнень шумбра шиснон инкса забота-мать. Мес тяфта?

Тяфта же преступнайста сязенд-

сазь ВКП(б)-нй обкомть решени-янц пашкедеманц Наркомпроссь. Сонь работниковзон 50 идьсна. Кинь кучихть пионерлагерьхненди, кивок аф содасы. Мезевок тянь инкса Наркомпроссь аф тиенди.

ВЛКСМ-нй горкомське калдыв-ста тюри тя решениять пашкеде-манц инкса. Тячис изь йотафта комсоргнень, комитетонь секре-тарьхненй марта работа сянь инк-са, мезе синь должентт тиесм ла-герьхненди анокламать колга.

Тянка первичнай комсомоль-ский организациятне 31-це шко-лансесь, Наркомпросонсесь обл-профсоветонсесь йофси мезевок исть арьсекшне лагерьхненди анок-ламать.

Йофси мезевок аф тиендеви пио-нерхненй и школьникнень лагерь-са ваймамаснонды анокламать инк-са 7-це школаса, кода директорсь Захаровсь отказась сят васттнень эзда, конатнень максозень комсо-молонь горкомсь тя школати.

Эряви сяда курокона машфтомс тяфтама безобразиятнень пионер-лагерьхненди аноклама работаста, пашкедемс ВКП(б)-нй обкомть ре-шениянц!

И. В.

Улян стама-жа, кодама ульсь Павел Корчагинць

Мэярда лувине Н. Островскя-ень произведенийнц „Кода кален-давсь стальсь“, мон улень восхи-щенной Павел Корчагинь эряфон-сты, улень восхищенной: сонь сме-лай шинцты, решительностьнцты и выносливостьнцты. Н. Остров-ский эсь произведениясонза няф-несы Павел Корчагинь, кода инь мужественнай, находчивай проле-тарский солдатокс, кодапт и доло-жент улемс советский од ломаньт-не, кода мирнай социалистический строительства, станя и сай пинь-гень военной обстановкас.

Мон комсомолецан-допризывни-кан, тяддены кизоть молян рабо-че-крестьянский Якстере армияв. Кда эряви путомс эряфозе, социа-листический родинаньконь инкса, мон максан аф пелезь, а максан сянь инкса, конанди монь тердь-цамань рабочей класс конань инк-са тердьцамань партиясь и кель-гема вожденьке Сталин ялганьке.

Мон улян стама же, кодама ульсь Павел Корчагинць.

В. Рубнов.

Саранск,
Консервный комбинат.

ВЫХОДНОИ ШИСЬ ВИРЬСА



Майть 18-це тистонза Саранск ошень од ломаньтнень ваймама пингснон йотафтозсь вирьса.
СНИМКАСА: од ломаньтнень танцовандайхть.

Аф лоткафнемс политико--воспитательнай работать зачеттненьди анокламста и синь йотафтомстост

Республикасонок школатнень эзда ушедсть ни зачеттне. Синь йотафтомасна башка школатнень эзда максыхть характеристика ком-сомольский организациятнень ра-ботаснонды. Синь няфпазсь сянь, кода башка комсомолецне и мар-нек организациятне тонафнесть и анокласть тонафнема кизоть ре-шающей пингонцты—зачеттненьди.

Ламосна школань комсомольский организациятнень эзда изь шарько-де инголест ащи эрь пингонь за-дачать — массово - Политический воспитаниять нинге сяда цебарь-ста йотафнеманц зачеттненьди анок-ламста и синь йотафтомаснон пингста.

Комсомольский организациятне: пединститутса (комитетонь секре-тарьсь М. Зубков) педучилищаса (комитетонь секретарьсь Каля-

динць), Муздрамучилищаса (сек-ретарьсь Кошкин) и ст. тов. за-четтненьди анокламать пингста ся-зендезь политико-воспитательнай работать. Педучилищаса колмоце-ковсь ни аф рабочей фкявок кру-жок. Комсомолонь комитетсь сем-бе 1937 це кизоть эзда изь ванон-да фкявок кизефкс комсомолец-нень политтонафнемаснон колга, тяфтажа исть ванонда фкявок ки-зефкс комсомолецнень и аф союз-най од ломаньтнень зачеттненьди анокламаснон колга.

Эряви цебарьняста азондомс сем-бе комсомолецненьди, што синь по-литтонафнемасот кодамовок пе-рерывт и каникулхт недолжентт улемс, сембе политико-воспита-тельнай работась школатнень эса эряви йотафнемс учебнай работать марта сотфста. В.

дежнай базакс, шарфтозсь Конвентть мероприятиянзон каршес, кона ка-лафнезень ингольдены обществать феодальной устоензон. Вандейский крестьянствать реакционной и фа-натический настроениянзон куро-кодз аристократне и попне, а сяс фатязь эсь кядезост сембе движениять.

Вандеяв пуромсть роялистне-эмигрантне, епископне и попне —сембе сят, конатнень каршес ульсь шарфтоф французский рево-люциять остриец. Вандеясь арась очагокс и штабокс реакциати.

Аф сави дивандакшнемс, што эсь „благосклоннай“ мяленц шар-фтозе Вандеянь лангс и Англияська, эстакига жа максомок оценка, ко-дама выгодат сон может сатомс революционной Франциять каршес тюремать эзда кирьдемок вандей-ский бандатнень. Вандеянь перязь английский агенттне, шпионттне, диверсантне, советник-офицер-не, конат кривьснасазь повстанец-нень тюремаснон Конвенть каршес. Английский агенттне сяда товга поддерживали вандеецнень и мел-най буржуазиянь революционно-

демократический диктатуранц та-памодонза меле (1794 к. июль), мэяр-да французский од правительст-вась йорась ни бандань вождьт-нень: Шарретть и Стоффлеть мар-та мирендамс. Английский флотть лезксонц вельде ульсь ускф 1795 кизоня киза кучкаль Бретани эми-гранский десант (Киберонский эк-спедиция). Англичантненьди уда-лась омбоцеда кепедемс восстани-яс вандейский крестьянтнень. Мэярда тя экспедициять 1796 ки-зонь Гоше генеральс тапазя, а Шаретсь и Стоффлесь ульсь льяфть, англичантне эсь провака-ционнай, диверсантский тевсон йотафтозсь Бретани, кода действо-вали повстанецнень—шуантнень (вандейцнень плямань) Кадудальть начальстванц ала бандасна (Жорж Кадудальсь козя бретанский мель-никень цюра, махровой роялист и католик, конац возглавлял 1796—1800 кизотнень эзда вандейский восстаниять).

Колмоцеда английский агентне способствовандасть 1799 кизоня Вандеяса восстаниянь организо-вандамаса, но тя од вспышкась куро-кодз ульсь матф.

Наполеоновский правительствать пингста, конац Сталин ялгать ха-рактеристиканц коряс „люпштазе французский революциять и ван-фтозень революциять аныцек ся-результатонзон, конат ульсь вы-годнайхть крупнай буржуазиять“, Англиясь, кода содаф, изь лотксе кучемс французский тылти эсь подрывниконзон, штоба лафчеп-темс противникть виенц и тапамс-срафтомс наполеоновский импери-ять потма ширьде. Английский агенттне кафксть йоразь шавомс соньценгье Наполеонтть. Эстонь пингтнень эзда Вандеясь, кода фео-дальной реакциянь очаг, одукс ульсь использованай английский агентурать марта. Башка, 1803—1804 кизотнень эзда шуантнень оцюнясна Кадудальсь тяряфнесь английский диверсантнень лезкс-нон вельде тиесм террористичес-кий акт Наполеонтть каршес, но кундафоль и казненадф марса эсь 11 ялганзон марта.

Наполеонтть Россияса тапамдон-за меле английский разведчикне 1813 кизоня одукс тисть соткс бретонский и пуатуанский роя-листнень марта и лездсть теест

эрьхтемс наполеоновский государ-ствать лангс крка тылста. И мек-пальцеда крестьянский восстания ульсь кепедьф Вандеяса 1815 ки-зоня Лярош—Жаклен браттнень марта и тяфта жа, кода и ламоц ингольцетне, восстаниясь кепедь-фоль англичантнень наущенияснон коряс. Тя восстаниясь ульсь йоф-сикс йомла и ульсь тьождаста люпштафт Ламарк генеральт мар-та.

Вандейский восстаниятне, конат таргавсть перерыв марта 20 кизо-да ламос (1793—1815 кизотне), ла-ма отношенияса представляють оцю исторический интерес. Синь пред-ставляют интерес и кода образец буржуазнай государстватнень йот-кса взаимоотношениятненьди, ко-нат пашксет коварнай интригада, шпиононь и провокаторонь кучсе-маса, внутренний противоречият-нень и осложнениятнень использо-вандамаса противникть потма ширьде (извнутри) сяземанц инкса.

Физкультурнай од кадрат

Тядень кизоня саранскяень мокшэрзянь педучилищась эсь физкультурнай отделениястонза нолдай 20 ломань квалифицированной физкультурникт. Тяниень пингть выпускник-физкультурникне вишкста аноклайхть испытаниятненди.

С. Самошкин.

— о о о —

Избачсь аф работай

Мокша Мазканянь велеса избачекс работай Дьяков ялгась. Сянь вастс, штоба паксянь стантнень эса йотафнемс колхозникнень йоткса читкат и беседат, сон прявок аф няфни колхозникненди.

Од стирнятнень и цюратнень ули оцю мяльсна организовандам спортивной команда, агитгруппа и ст тов, но Дьяков ялгась йофсикс, мезевок аф тиенди. Кизефнесаськ мезенькса сон аныдек работама питне получахши?

Эряви РОНО-ти шарфтомс мяль Дьяковт работанц лангс.

И. К.

Краснослободский р.н.

— о о о —

Учтама лезик

Перхляень афполнай средний школас лувондови 100 пионер. Базовой вожатайкс ВЛКСМ-нь райкомсь кемекстазе Нарватов ялгать.

Эряви азомс, што пионерский отрядт работанц лангс кодамовок мяль аф шарфнихть партийно-комсомольский организациятне.

Пионерский отрядти кодамовок литература аф сьормадфневи, аш барабан, аш музыкальной инструмент, ил ня пионерхнень аш галстуксна.

Нарватов ялгась аф весть энялькшнесь колхозонь правленияти, штоба лездольт ярмакса рамамс кой-кодама музыкальной инструмент и тяшфтемс журналт и газетат, но колхозонь правлениясь арьси лездомс тячи, да ванды.

ВЛКСМ нь райкомсь содасы Перхляень афполнай средний школань пионерский отрядт работанц, станяжа кодамовок мяль тячимс изь шарфта.

Вожатай.

Рузавкань район.

Мекельден шитнень мятежникне бискайский фронтса ламоксть теряфнесть тиесм жестокый атакат, конат срафтфт республиканецнень марта. Мятежникне кандсть оцю юмафкст. Мятежникне и интервенттне кодамовок успехфтома теряфнесть шаштомс кигя Мунгия ошти (север-восток шири Бильбаоть эзда).

Тяфтажа аф удачнайста аделавсть противникть теряфнеманза сянь инкса, штоба шаштомс Аморебиэта секторса.

Мекельдень сообщениятнень эзда няеви, што мятежникне, конат оснащенныххть германский и итальянский военной техникаса пуроптозь эсь крупнай вийсон Аморебиэта участкать малас (юго-восточнее Бильбаоть эзда) и 18-це майста тисть вию атак республиканский позициятнень лангс. Правительственной войскадне горнай од позициятнень занямок, конат кяшендезь противникть толонц эзда, кирьдезь мятежникнень наступленияснон. Бойхне тя районца молихть. Мятежникне кандхть оцю юмафкст.

Республиканский пехотась вию контратакать вельде одуксзанязе Бискарри пандть, кона арьси естественной фортокс и пирьсесы кить Бильбаоти востокста. Гипускоа районца республиканецне энергичнайста срафтозь противникнень атакаснон.

Мятежникнень кафта самолетсна прафтфт республиканецнень марта.

Май ковть 18-це шистонза калдыв погодать сюнеда сембе бискайский фронтса ульсь сетьме. Шуроста кулендевь орудийнай, пулеметнай лицендема. Республиканский войскадне пользовамок сетьме пингть марта кемекснесь эсь позицияснон.

Астурийский фронтса горнякнень отрядсна наступают Леон

районса. Противниксь теряфнемок тяфтама продвижениять атакондазень республиканский частьтнень запад шири Овиедоть эзда. Вию оружейнай толса республиканецне вынудили противникть отступленияти. Мятежникне кадсть лама оружият и боеприпаст. Боевь вьтезь республиканецне шаштсть 10 километрат ингели и занясть кафта велет.

Леон районса, кода азондыхть мекельдень кулятне, мятежникне подкреплениянь получамок йотасть контратакас Пико дель Ахилья районца (северо-восточнее Леонста), тяньди тяряфнесть сянь инкса, штоба мрдафтомс синь мартоот юмаффт позициятнень Тарна и Сан-Исидро пандонь перевалхнень эса. Сркаксь вишке бой, конац таргавсь лама частонь кувалмос. Позициятне ламонь крда йотнесть кядьта кядьс, но мекпьяли астурийский горнякне макссть сокрушительнай удар наступающей мятежникнень основной группаснонды и шарфтозь сонь ласькоме. Правительственной войскадне ушедсть мартоот заняф позициятнень кемекснеме и фашисттнень марта йоряф оружиятнень кочксемь. Тюремать вастста урядафт танковой колма пулеметт, лама винтовкат и лия военной снаряжения.

Республиканецнень артиллериясь бомбардировандазень Овиедоть кой-кона зданиязон, конат мятежникнень марта шарффтотхть казарманьди.

Аф пяшкедькшнесазь райкомть пленумонц решениянзон

ВЛКСМ-нь Зубунь райкомсь калдывста лезды первичнай комсомольский организациятненди. Районца улихть комсомольский организацият, коза мзярдонга аф няфнихть пря райкомонь работникне.

Сявсаськ Н-Полянень комсомольский организацият. Сембец тьса 4 комсомолецт. Тя комсомольский организациясь йофси аф йотафни марстонь пуромкст, аш полигучеба.

Комсомолецне аф морафнихть нльня газетат. Синь аф содасазь Сталинский Конституцият, аф содасазь Мокшэрзянь Республикаты Конституциятн проектонц. Синь тячиень шить самс мезевок ашесть куль ВКП(б)-нь ЦК-ть февральский пленумонц колга и аф содасазь Сталин ялгать джкладовц и заклучительнай валонц.

Тяса улихть и тяфтама комсомолецт, конат 8—10 коновь йотамс аф панихть членский взност. Нльня соньць комсоргсь Козарев ялгась ашезень панда членский взносонзон 9 коновь пингс.

Тяфтама жа положениясь и Исеевкань комсомольский организациясь.

Эряви азомс, што нят комсомольский организациятнень эса комсомолецне аф калдывста работайхть производстваса—колхозса. Но синь аф грамотнайхть кода политически, а тяфта жа и технически.

ВЛКСМ нь райкомсь нят комсомольский организациятнень юктазень. Надиятама, што райкомсь тя безобразияти пугь пе и максы практический лезкс нят комсомольский организациятненди.

П. Конаков.

ЛАТТА АЗОМА

Саранскяень фельдшерско-акушерский школась азонды 1937-це 1938-це киваньди тонафниень примамат.

Примаматне йотафтовихть 1-це курсонь тяфтама отделениятненди:

1. Фельдшерский отделеният—тонафнемань пингть кувалмоц 3 кизот;
2. Акушерский отделеният—тонафнемань пингть кувалмоц 2 кизот;

Ня отделениятненди примамата башка йотафтовихть примамат киза кувалмонь тонафнема пингонь марта подготовительнай отделенияти, коза примавихть анычек мокшет и эрьзят.

Фельдшерский и акушерский отделениятненди примавихть 15 кизоста савомок 35 кизоти модемс, конат аделасть аф полной средней школа, подготовительнай отделенияти примавихть 14-це кизоста савомок 35-це кизоти модемс, конат аделасть аф полной средней школа, или аделасть аф полной средней школань 6-класст „хорошо“ отметка марта.

Заявлениятне примавихть 10-це апрельста савомок 15-це августти модемс. Приемочнай испытаниятне ушедхть 1937-це кизонь 15-це августста савомок 26 августти модемс.

Испытаниятне улихть йотаффт тяфтама предметонь коряс: рузонь кялень и литературань коряс, математикань, обществоведениянь коряс, физикань и географиянь коряс. Испытаниятне йотафтовихть аф полный средней школань программать обемса.

Кинь мялец модемс тонафнема фельдшерско-акушерский школав катк максы подлинникса тяфтама документт:

- 1) заявление, коса эряви азомс кодама национальностец;
- 2) свидетельства шачеманц колга;
- 3) свидетельства образованиянц колга;
- 4) завереннай автобиография;
- 5) кафта фотокартчокат.

Испытаниятненди нолдафне, конатненди топодсь 16 кизот должентт самс паспорт марта.

Школав примавихть ули максф стипендия, конань размероц ули зависимай тонафнихнень успеваемостьснон эзда.

Максови общежития.

Документтне эрявихть кучсемс тяфтама адресонь коряс: г. Саранск, МАССР, ул. Ленина 19, фельдшерско-акушерская школа. Мокшетнень и эрьзятнень, конат аделасть аф полной средней школа, фельдшерско-акушерский школати анокламаснон инкса 10-це июльста савомок 15-це августти модемс кармайхть работама ков кувалмонь подготовительнай курст. Ня курсненьди заявлениянь примамась моли 1937-це кизонь 10-це июль самс.

1-3

Дирекциясь.

ПОГРАНИЧНИКНЕНЬ ГЕРОИСКАИ ПОСТУПКАСНА

Ашхабад. Майть 12-це шистонза. Пограничникне Трунов, Стешенко и Джуканов ялгатне йотасть эсь участкаснон эзда советско-афганский границать лангса. Апак учентд пограничникнень велькса вяшкозевсть пулят: лицендсть соседний сопкатнень эзда. Нарушителень бандась, явомок колма группас, ушедсь сидеста лицендема. Алашань вятись Джуканов сявезень алашатнень лоткти. Труновсь и Стешенкось мадсть модати.

Бандиттне аф весть йорасть пря атакас, но боецнень меткайста лицендемасна потафнезь синь. Несколька нарушитель шарсть Джукановти, конат йорасть сявемс кядьстонза алашатнень. Стешенкось ласьксь лездомс, но бандитонь пулясь прафтозе сонь. Джукановть аф пик ранендавсь пильгедь.

— Ардт заставав лезксонкса, а мон лоткафтса врагть,—мярьгсь Труновсь Джукановти.

Тонац сявезень алашатнень и йотась врагть кольцанц пачк. Труновсь илядсь ськамонза 15 врагтнень каршес.

Ся пингть лейтенантсь Алексинсь несколько ялга марта мест-

най населениять эзда, кона лезни советский границать ваноманцы, срксесь соседний пограничной участкать ваномс. Алексинсь марьясь гранатань глухой взрывт. Тя ульсь пограничниксь Труновсь, конац мужественна арелякшесь прянц лангзонза яци бандиттнень эзда. Лейтенантсь кармась эрыскадоматов. Кить лангса сон васьфтезе Джукановть, конац азондозе мезе лиссь границать лангса.

Сембе ширьде кружаф Труновсь лицендсь мекельдень патронзон эса. Сонь мартонза заняф высотать перьф ульсь шавф 8 бандитт.

Советский границать вельф ась колдама тяряфнемать инкса и пограничникть комсомолецт Стешенко ялгать шавоманц инкса нарушительхне жестокайста поплатились. Бандитский шайкась марнек машфтф.

Иван Труновсь—комсомолец. Сон няфтезе эсь прянц кода неустрашимай, решительнай, находчивай, родинати беззаветно преданнай боец. Службань кафта кизотнень сон котоксть получахкшесь благодарность эсь командованиянц эзда.

А. Табевкин („Правдаста“).

Ответ. редакторть инкса А. КОЛЯДИН.

Уполномоч. главлито № Д-56. Заказ № 1478. Тираж 1721.

г. Саранск, типография „Красный Октябрь“.